

25 DECEMBRIE

RUGACIUNEA 4

NASTERII DOMNULUI

Молитва

О, Сладчайший Иисусе, Слове Божий, Девы Сыне, Тебе нас ради на земли явльшагося, вся тварь исповеда быти Творца и Владыку всяческих, волны морския подстилалася Ти под нозе ходящу, умолкаху ветры Твоим повелением, мертвии словом Твоим возстах, солнце Тебе умирающе померче, земля Тебе потрясется, небо Тебе возходящу отверзется.

Тем убо и ныне молим Тя, раби Твои, Владыко, постели под нозе Твои вся наша помышления и чувства сердечная, запрети волнению страстей, возстави ны от смерти греховныя, сотвори, да пред светом любви Твоея померкнут для нас навсегда вся славная и красная суетнаго мира, да потрясутся страхом души наша и отверзутся сердца к приятию Тебе, Невечерняго света, просвещающаго всякаго человека, грядущаго в мир.

Сподоби ныне изыти любовьию в сретение Тебе, нисходящему на землю нас ради и в день исхода нашего от временнаго жития сего, усящи нас, возходящих от земли милосердием Твоим,

приими в небесныя Твоя селения и сотвори причастники славнаго Царствия Твоего, да со Ангелы святыми поем и славим Тя, Спаса душ наших, со Безначальным Твоим Отцем и с Пресвятым Духом, Единого в Троице Бога, Егоже славят солнце и луна, превозносят все твари, славословит род человеческий и немолчо горе воспевают силы небесныя в безконечныя веки. Аминь.